




VALG

Stuorradigge- ja
sámediggeválga 2021

Ájnas diedo dunji gut ájgo jienastit

*Válggabiejvve la ragátmáno 13. bieje.
Mujte ID!*



Stuorradigge- ja sámediggeválgá 2021

Juohkka nælját jage válljip gudi galggi mijájt ávdástit Stuorradikken. Stuorradikke ájnnašamos dahkamusa li lágajt mierredit, stáhta budsjehtav mierredit ja ráddidusáv gehtjadit.

Sámedigge la sáme álmuga álmukválljidum parlamænnta Vuonan *ja la iesjráddijiddje álmukválljidum orgádna. Lágá ienebut sámediggeválgá birra dáppe: sametinget.no.

Dán girjátjin oattjo diedojt válgá birra ja gáktu jienasta.

Válggabiejvve la mánnodagá ragátmáno 13. b. 2021

Moatten suohkanin besa aj jienastit sádnábiejvve ragátmáno 12. b. Besa árabut jienastit vájku gánná lándan bárggemáno 10. biejve rájes gitta ragátmáno 10. bæjvváj. **Mujte duodastusáv!**

Mujte duodastusáv gá jienasta



Galga vuosedit duodastusáv gá jienasta. Duodastus máhtta liehket duola degu pássa, vuodjemkárta jali báññkakárta gáváj, valla besa aj ietjá lágásj duodastusáv vuosedit. Duodastusan galggá binnemusát namma, riegeádimbiejvve ja gávva.

Jus la nágin ásadusan degu boarrásij sijdan, skihppijvieson jali giddagisan, de máhta oadtjot nágin barggev duodastittjat gut dán la. De galggá bargge vas duodastit gut sán la.

Tjuovo njoammohieredimnjuolgasájt ja rádiht

Ájnas la tjuovvot njoammohieredimnjuolgasájt ja rádiht ma guoski gánná dán áro. Mujte iehtjádiht garvvet ja giehtahygienev gá jienasta, ja ale jienastimladnjaj maná jus la skibás.

Aj jienastiddje gudi li skihpasa, másskusin jali karantienan galggi bessat jienastit. Válde aktijvuodav ietjat suohkanijn jus sidá ienebut diehtet.



Dán jage oattjo digitála válgakártáv

Válgakárttá la duodastus jut dujna la jienastimriektá. Dáppe aj tjuodtju gánná ja gallen besa jienastit válggabiejve.

Válgakárttá sáddiduvvá duv digitála poasstakássaj jali Altinn baktu. Jus la diededam dán i lágeda digitála guládallamav, jali illa ID-pártáv adnám 18 mánnuj, de oattjo válgakártáv páhppárin pástan.

Dán i dárbaha válgakártáv jienastittjat, valla manná jáhtelabbo.

Válgakárttá ij dáhkkiduvá duodastussan.



Gut bæssá jienastit?

Besa stuorradikke válgajda jienastit jus:

- la vuona stáhtaviesát
- la dævdám 18 jage ávddål 2021 lårpa
- la, jali la akti læhkám álmuklårkuj tjåledum årromsajijn Vuonan

Gájka gejn la jienastimriektá li jienastuslårkuj tjåledum. Válde aktijvuodav ietjat suohkanijn jus i állu diede jus dán la jienastuslågón.



Goassa ja gánná besa jienastit?

Árabut jienastit besa dahkat dijstagá bårggemáno 10. bieje rájes gitta bierjjedagá ragátmano 10. bieje rádjáj vájku makkir suohkanin.

Válggabiejve hættu jienastit suohkanin gánná la álmuklårkuj tjåledum viesádin biehtsemáno 30. bieje 2021. Besa jienastit vájku makkir jienastimbájken suohkanin.

Jus la **karantienan** de i galga dábálasj jienastimlanján jienastit.
Jus la **másskusin** de galga sijdas jienastit. Válde aktijvuodav
suohkanij váj tjielggiji gáktu dahki dáppe gággu dån áro.

La gus skibás jali sáhtus? De máhtá válldet aktijvuodav ietjat suohkanijn
gitta kl. 10 ragátmáno 10. bieje jus sidá **árabut jienastit sijdan**.

Ij la dunji vejulasj árabut jienastit jali válggabiejven jienastit?
De máhtá suohkanis ánodit bessat **árrajienastit** snjilltjamáno 1. b. rájes.

Besa aj **álggorijkas jienastit** snjilltjamáno 1. bieje rájes gitta ragátmáno
3. bæjvváj.



Návti jienasta

Jus ietjat suohkana álggolin jienasta, de oattjo jienastimlistav
registrieridum politihkalasj belludagáj namáj. Galga ruossistit makkir
belludagáv sidá jienastit. Jienastimlistajn e gávnnu belludagáj
kandidáhtaj namá. Danen i besa dájit jienastimlistajt rievddadit.

Jus belludahka jali juogos masi dån sidá jienastit ij tjuottjo
jienastimlistan, de máhtá dán belludagá/juohkusa namáv tjállet
jienastimlisstaj. Besa aj jienastimlistav áttjudit ietjat válggabijras
ja dav adnet jus sidá rievddat.

Jiedna sáddiduvvá duv sijddasuohkanij ja dáppe lågåduvvá.



Gávna jienastimlanjáv dáppe: **valglokaler.no**


Rievddadit jienastimlistav

Besa muhtem mudduj jienastimlistav rievddadit. Jus jienastimlistav rievddada de ij dat vájkkuda man ednagit duv jiedna merkaj. Jienastimlistan aj tjuodtju bagáduš gáktu dav rievddadit jus sidá.



Málsot kandidáhtaj vuorov

Bieja (áđá) tállav ruvton kandidáhta(j) namá gárobielen váj mierkki gáktu duv mielas kandidáhtaj vuorro galggá liehket.



Sihkkot ierit kandidáhtajt

Ruossista kandidáhta(j) namá oalges bieles ruvton jus sidá suv ierit sihkkot.

Viehke jienastit jienastimlanján

Válde aktijvuodav nágin válggabarggijn jus dujna li gatjálvisá jali dárbaža viehkeš jienastit. Válggabargge e besa aktasik majdik giehttot.

La gus dån psykalattjat jali fusalattjat doajmmahieredum navti váj i nagá aktu jienastit? De máhtá oadtjot viehkeš válggabargges jali nágin iehtjádus gev iesj vállji.

Gudi válljiduvvi?

Stuorradikke válgajn válljiduvvi 169 ájrrasa Stuorradiggáj 19
válggabijrajs. 150 sijájs válljiduvvi njuolgga ietjasa válggabijrajs.
Duodden válljiduvvi 19 dássedimmandáhta, akta juohkka válggabijras.

Gávna ienep diedojt dáppe: **valg.no**



Almoduvvam 2021 Válggadirektoráhtas.
Almodus gávnnu aj dárogiellaj, áddárogiellaj, ja lågev amás gielajda.

Jus sidá ienebut diehtet váлга birra, gehtja **valg.no**